



II Edición do Premio “Rafael Crecente” a Iniciativas Innovadoras de Xestión Territorial

convocado polo Instituto de Biodiversidade Agraria e Desenvolvemento Rural (IBADER) da USC, coa colaboración do Laboratorio do Territorio da USC

O profesor Rafael Crecente Maseda (1964-2015) estaba considerado como un dos grandes expertos en xestión territorial de Galicia.

Foi profesor titular do Departamento de Enxeñería Agroforestal da Escola Politécnica Superior da Universidade de Santiago de Compostela, e o seu labor estivo vencellado principalmente á investigación, sendo director do Laboratorio do Territorio e coordinador do Sistema de Información Territorial (SIT) desta universidade. Asemade, participou activamente como investigador en países de Latinoamérica, fundamentalmente en Ecuador - lugar no que impulsou un programa de colaboración-, así como en convenios con países de Europa central e do leste. Tamén foi consultor da oficina rexional da FAO en Budapest, profesor invitado na Universidade de Múnic e investigador do IBADER adscrito ao Grupo de Investigación 1934 Territorio-Biodiversidade.

Na súa homenaxe, creouse este premio para impulsar a formulación e aplicación práctica de ideas innovadoras relacionadas co desenvolvemento rural, a conservación do medio ambiente ou a mellora da xestión territorial.

Con estas bases publícase a segunda edición deste premio, que se seguirá convocando anualmente ao inicio de cada curso académico, e que será publicitado a través das canles institucionais da Universidade de Santiago de Compostela e de outros medios de difusión que se consideren oportunos.

BASES DA CONVOCATORIA:

1. Obxectivo

O premio ten como obxectivo impulsar a formulación e aplicación práctica de ideas innovadoras relacionadas co desenvolvemento rural, a conservación do medio ambiente ou a mellora da xestión territorial en sentido amplo en Galicia.

2. Participantes

Poderán participar nesta convocatoria todas aquelas persoas que remataran a súa titulación universitaria de Grao ou Máster nos últimos 5 anos, tomando como referencia a data límite de entrega de propostas ao presente premio.

3. Carácter do premio

A persoa que reciba o premio obterá un recoñecemento formal a través dun diploma acreditativo e unha cuantía económica de 2.000'00 euros, e de ser o caso, permitirá a difusión do seu traballo a través dos medios que o IBADER e o GI-1934 TB - Laboratorio do Territorio da Universidade de Santiago de Compostela estimen convenientes.

A dotación do premio farase a través da partida orzamentaria do IBADER 6095-2416-64000.

4. Prazos

O prazo de presentación de candidaturas extenderase ata o 15 de marzo de 2019.

O fallo farase público nun período máximo de dous meses dende o remate do prazo de presentación de candidaturas. Un comité de selección elixirá, entre as propostas presentadas, aquela que considere máis axeitada dacordo co obxectivo do premio, así como unha ou dúas suplentes se o considera oportuno, e poderá conceder algunha mención honorífica se a calidade das propostas presentadas así o aconsella.

O acto formal de concesión do premio terá lugar en data e lugar que serán anunciados oportunamente.

5. Presentación das propostas

As persoas candidatas deberán enviar unha proposta innovadora no ámbito do desenvolvemento rural, a conservación do medio ambiente ou a mellora da xestión territorial ao enderezo electrónico premio.rafaelcrecente@usc.es, en formato pdf e cunha extensión máxima de 50 páxinas, tamaño A4, solicitando confirmación da correcta recepción do documento enviado. Poderá presentarse en galego ou castelán.

Así mesmo deberase cumprimentar o formulario adxunto no Anexo I da presente convocatoria, indicando os datos persoais dos participantes.

6. Criterios de valoración

Valoraranse a viabilidade práctica da idea ou proxecto innovador, é dicir, a súa aplicabilidade, o impacto na sustentabilidade territorial e a xestión dos recursos en Galicia, e que teña compoñentes de innovación social, como por exemplo, no eido da xestión da propiedade.

7. Comité avaliador

O Consello Científico do IBADER desempeñará as funcións de Comité Avaliador das propostas, podendo solicitar o asesoramento de persoal experto externo.

Este Consello Científico terá a potestade para interpretar as bases da convocatoria, así como de determinar o modo correcto da súa aplicación no desenvolvemento do Premio, tomando as decisións que considere oportunas. As decisións do Comité Avaliador serán inapelables.

O fallo farase público nun período máximo de dous meses dende o remate do prazo de presentación de candidaturas.

8. Derechos de los premiados

As propostas presentadas deben ser orixinais. Os solicitantes fanse responsables da orixinalidade das propostas. Os dereitos de propiedade intelectual serán dos seus autores con excepción dos dereitos de difusión, que corresponderán ás institucións convocantes deste Premio.

9. Aceptación de las bases

Os solicitantes do Premio aceptan incondicionalmente as bases da presente convocatoria.

Contra a presente resolución, que esgota a vía administrativa, poderase interpor recurso contencioso-administrativo ante o xulgado do contencioso-administrativo de Santiago de Compostela no prazo de dous meses a contar dende o día seguinte á data de publicación oficial no taboleiro de anuncios electrónico, de conformidade cos artigos 46 e 8 da Lei da Xurisdición Contencioso Administrativa, aprobada por Lei 29/1998, do 13 de xullo. Non entanto, os interesados poderán interpor recurso potestativo de reposición no prazo dun mes ante o órgano que o dictou. Neste caso non se poderá interpor o recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao amparo dos artigos 123 e 124 da Lei 39/2015, de 1 de outubro, de Procedemento Administrativo Común das Administracións Públicas.

Lugo, 26 de novembro de 2018

Convoca:



Colabora:

LaboraTe
G.I.-1934-TB